

ԷԶԵՐ ՌՈՒՍԱՍՏԱՆԻ ՀԱՅ ՎԱՃԱՌԱԿԱՆԱԿԱՆ
ԿԱՊԻՏԱԼԻ ՊԱՏՄՈՒԹՅՈՒՆԻՑ

Վ. Ա. ԴԻԼՈՅԱՆ

XVII դարի սկզբին պարսկական զահակալներից Շահ Աբաս I-ը Արևելյան Հայաստանի բնակչության մի մասը գաղթեցրեց Իրանական սարահարթ Սպահանի մոտ հիմնադրվեց Նոր-Ջուղա քաղաքը, որն սկսեց զգալի դեր խաղալ Պարսկաստանի արտաքին առևտրի ասպարեզում: Նոր-Ջուղայում հիմնավորված հայ վաճառականները սկսեցին շրջանառության մեջ դնել ոչ միայն իրենց սեփական զրամագյուխները՝ «կոնթեյնր», այլև շահական գանձարանի հարստությունները, որը և հնարավորություն տվեց նրանց ոչ միայն բազմապատկելու իրենց հարստությունները, այլև ակնառու դեր խաղալու պարսկական իրապական առևտրում: Եվրոպական վաճառականների օրինակով հայ վաճառականները ևս համախմբվեցին առևտրական ընկերության մեջ, որը կրում էր «Ջուղայի հայ առևտրական ընկերություն» անունը: Ջուղայեցի վաճառականների այս ընկերությունը նույնիսկ առևտրական հարաբերությունների մեջ էր մտնում օտար պետությունների և կամ ուրիշ առևտրական ընկերությունների հետ: Այդ տեսակետից նշանավոր էին 1667 թվականին ուսական կառավարության և 1688 թ. անգլիական «Օստ-հնդկական ընկերության» հետ կնքված պայմանագրերը:

Եթե բուն Հայաստանում՝ անվերջ պատերազմների, արհեստագործության և գյուղատնտեսության անկման, հարկային դաժան քաղաքականության հետևանքով վաճառականական կապիտալը համեմատաբար թույլ էր զարգացած և նշանակալից դեր չխաղաց երկրի ոչ տնտեսական և ոչ էլ քաղաքական զարգացման պատմության մեջ, ապա գաղթավայրերում՝ Նոր-Ջուղա, Սուրաթ, Մազրաս, Կարկաթա, Կոստանդնուպոլիս, Ամստերդամ, Աստրախան, Մոսկվա, Պետերբուրգ և այլն, այն տնտեսական բավականաչափ ազդեցիկ ուժ էր ներկայացնում, իսկ ազգային «սեփական» շուկայի բացակայությունը և օտարերկրյա վաճառականների հետ մղվող անխուսափելի մրցակցությունը օբյեկտիվորեն հայ առևտրական բուրժուազիային մղում էին դեպի քաղաքական գործունեության ասպարեզ: Սա Հայաստանի աշխարհագրական սահմաններից դուրս իր ծաղկումն ապրած հայ վաճառականական կապիտալի բնորոշ առանձնահատկություններից մեկն էր՝ կապիտալի այսպես կոչված նախնական կուտակման ժամանակաշրջանում:

Հայրենիքից ճյուղատված և Նոր-Ջուղայում պատվաստված հայ վաճառականական կապիտալը աշտուղից սկսում է իր համար ձանապարհ հարթել դե-

պի Ռուսաստան¹։ Հնդկաստան և մասամբ էլ եվրոպական Ռուսքիտ։ Այդ հոսքը, որ փոքր չափերով սկսվել էր դեռևս XVII դարում, խիստ ուժեղացավ հաջորդ՝ XVIII դարում՝ պարսկական կենտրոնացված պետության քայքայման հետ մեկտեղ, որը բնականաբար հանգեցնում էր անիշխանության և բռնությունների հետագա ուժեղացմանը ֆեոդալական ներքին երկպառակությունների ասպարեղ դարձած երկրում։ XVIII դարի առաջին կեսին Նոր-Ջուղայի հայ առևտրական բուրժուազիան սկսում է իր գոյությունը փրկելու էլը փնտրել։ Ինչպես արդեն նշեցինք, դեռևս XVII դարի երկրորդ կեսից հայ վաճառականական կապիտալը սկսել էր դանդաղ, բայց հաստատուն քայլերով կատրախանի վրայով ներթափանցել Ռուսաստան։ Աֆղանների 1772 թ. արշավանքը առաջին լուրջ հարվածը հասցրեց Նոր-Ջուղայի հայ վաճառականներին։ Նաղիր շահի թագավորության տարիներին և մանավանդ նրա սպանությունից հետո (1747), երբ հարկային պարհակները հսկայական չափեր էին ընդունել, չհաշված անօրինական բռնադատումները, այդ հոսքը էլ ավելի ուժեղացավ։

Նման պայմաններում հայ վաճառականները ստիպված էին ավելի հաստատուն կայաններ որոնել, որովհետև «...և ժամանակս թագաւորութեանն նաղիրշահի պօրացաւ բռնակալութիւնն ի Ջուղայ, և վաճառականը Ջուղայու մատնեալ տուժից և տուգանաց անհանդիստ լինելին...»²։ Այնուհետև Նոր-Ջուղայի պատմիչ Հ. Տեր-Հովհանյանը շարունակում է. «Նաղիր շահը ունելով բնաւորութիւն յոյժ բնշասէր և ազահ, և յաղագս պօրականացն հարկ լինելով նմա պատրաստել զոռճիկս, ջուղայ քրնակ վաճառականացն հայոց հասոյց զմեծամեծ տառապանս, ստանալով ի նոցանէ բազում զումարս... արկանէ հարկս ի վերայ Նոր Ջուղայեցոցն ի թուոյն 1739 մինչև ց1747, պահանջելով ամ բստ ամէ անբնդ հատ ոչ պակաս քան զտասն հազար թուման մինչև ց 45000 թումանս՝ զօրս յամի միում միայն...»³։ Այստեղից էլ հայ վաճառականների՝ իրենց համար ավելի հաստատուն կայաններ գտնելու ձգտումը և հետզհետե մեծ չափեր ընդունող պաղթը դեպի Ռուսաստան և Հնդկաստան։ Բայց տարբեր բախտ էր վիճակված Նոր-Ջուղայի ծնունդ հանդիսացող այդ երկվորյակ եզրայրներին։ Եթե Հնդկաստանում հաստատված հայ առևտրական բուրժուազիան շատ շուտով ստիպված էր մահա և կենաց գոտեմարտի մեջ մտնել անդլիական կապիտալի ավելի հզոր, իր շահերի պաշտպանության համար պետական աջակցություն ու զորք ունեցող ներկայացուցիչների հետ և այդ նպատակով երբեմն մի կողմ դնել վաճառականի հաշվեկիրքն ու զորապետի սուր առնել ձեռքը՝ իր կենսական իրավունքները պաշտպանելու համար, ապա Ռուսաստանում հիմնավորված հայ առևտրական բուրժուազիան պարզապես բավականին լայն և նպաստավոր հորիզոններ գտավ իր առջև առանձնաշնորհումների պատճառով։

Առանձնաշնորհումները հետևանք էին այն մեծ շահագրգռության, որ առկա էր ցարական արքունիքում արևելյան, մասնավորապես Պարսկաստանի հետ կառավարող առևտրի նկատմամբ։ Դեռևս Ալեքսեյ Միխայլովիչ ցարի ժա-

1 Տե՛ս Վ. Ա. Ռուկանյան, Հայ-ռուսական հարաբերությունները XVII դարում, ՀՍՍՌ ԳԱ «Տեղեկագիր», 1948, № 1, և Ա. Գ. Հովհաննիսյան, Հայերի ռուսական կողմնորոշման լուսապատմությունից, «Պատմա-բանասիրական հանդես», 1958, № 1։

2 Հ. Տեր-Հովհանյան, Պատմություն Նոր Ջուղայու որ յԱսպահան, Ն. Ջուղա, 1886, էջ 95։

3 Նույն տեղում, էջ 25։

մանակ ռուսական կառավարությունը աշխատում էր աշխուժացնել սլարսկական առևտուրը, դյուրություններ ստեղծել ռուս վաճառականների համար: Արդյունքը եղավ այն, որ 1664 թ. շահը առանձին հրամանագրով կարգադրեց օթևանի և խանութների համար մաքսեր չվերցնել ռուս վաճառականներից: Բայց, ըստ երևույթին, ռուս վաճառականները առանձնապես մեծ առևտրական կապեր չունեին Պարսկաստանի հետ, քանի որ շահական հրամանագրից երեք տարի անց պայմանագիր կնքվեց Ջուղայի հայ առևտրական ընկերության ներկայացուցիչ Գրիգոր Լուսիկենցիի հետ, համաձայն որի Պարսկաստանում ստացվող մետաքսի հումույթը հայ վաճառականները պարտավորվում էին ներմուծել միայն և միայն Ռուսաստան, դրա փոխարեն ստանալով որոշ արտոնություններ:

Այդ պայմանագիրը հարվածում էր ռուս վաճառականների շահերին, ուստի նրանք երկիցս (1672 և 1675 թթ.) գիմեցին դեսպանական ատենատուն՝ բողոքելով 1667 թ. պայմանագրի դեմ: Չնայած որոշ վերիվայրումներին, որոնք տեղի ունեցան հետագա շուրջ հինգ տասնամյակներում, ռուս-պարսկական առևտուրը բավականաչափ ընդարձակվեց, իսկ XVIII դարի 40-ական թթ. Պարսկաստանից հայ վաճառականական կապիտալի մեծ հոսք սկսվեց դեպի Ռուսաստան: Այդ ժամանակաշրջանում հայկական հիմնական գաղթավայրերը Ռուսաստանում հանդիսանում էին Աստրախանը, Մոսկվան և Պետերբուրգը:

Աստրախանը այն առաջին հանգրվանն էր, որտեղ կանգ էին առնում Ռուսաստան գաղթած պարսկահայ վաճառականները, նախքան այլ վայրեր անցնելը: 1730—40-ական թթ. Սպահանից և Ն. Ջուղայից Աստրախան էին գաղթել 24 ընտանիք, Արդարիլից՝ 11, Ռավրիզից՝ 8, Ղազվինից՝ 7: Դրանց մեջ իրենց դրամագլուխներով առանձնապես աչքի էին ընկնում Թաթոս և Շուբրի Մխիթարյանները, Սերգեյ Իվանովը, Գալուստ Բունիաթովը, Դավիթ Գրիգորենը, Առաքել և Մարտիրոս Իվանովները, Խաչատուր Մելքումովը, որոնց ընդհանուր դրամադուխը 1747 թ. կազմում էր մոտավորապես 37 հազար ռուբլի⁷: Աստրախանի հայ գաղութում բնակչության շուրջ 40 տոկոսը արհեստավորներ էին:

Մոսկվայի հայ գաղութում աչքի էին ընկնում Մակարով եղբայրները, Իգնատի Ֆրանցև Շերիմանը: Պետերբուրգում էին ծավալել իրենց գործառնությունները այնպիսի հարուստ վաճառականներ, ինչպես Լուկա Շիրվանովը, Մանուիլովը, Բսախանով եղբայրները, Մանուչարյան եղբայրները: Վերջապես XVIII դարի 40-ական թթ. վերջերին Ռուսաստանում հայտնվեցին իրենց հարստությամբ և ձեռներեցությամբ հայտնի Լազարյանները:

Ձեռնարկելով Ռուսաստանի վերափոխմանը, Պետրոս I-ը մեծ ուշադրություն էր դարձնում մանուֆակտուրաների հիմնադրմանն ու պարգացմանը: Բնչպես հայտնի է, նա երբեմն նույնիսկ լուծի միջոցներով աշխատում էր վաճառականական կապիտալի ներկայացուցիչներին քշել մանուֆակտուրային ընկերությունների մեջ: Եթե Պետրոս I-ի ժամանակաշրջանում, երբ գոյություն ունեին դեռևս ներքին մաքսատները և համառուսական շուկան նոր-նոր էր սկիզբ

⁴ А. Семенов, Изучение исторических сведений о русской внешней торговле и промышленности, ч. I, СПб, 1959, էջ 106:

⁵ Տե՛ս «Полный свод законов Российской империи» (ПСЗРИ), т. I, № 409.

⁶ Տե՛ս ПСЗРИ, т. I, №№ 514, 539.

⁷ Ա. Յուսիտ, Աստրախանի հայկական գաղութի բնակչության սոցիալական կազմը XVIII դարի առաջին կեսում, ՀՍՍՌ ԳԱ «Տեղեկագիր», 1957, № 7, էջ 56—58:

սում կազմավորվել, առևտրական արագ շրջանառություններից մեծ շահ ստացող վաճառականական կապիտալը առանձին հակում չէր ցույց տալիս ղեպի արդյունաբերությունը, հետագայում, դարի կեսերին, դրությունը հիմնովին պիտի փոխվեր: Հետաքրքրական երևույթ է, որ, հակառակ դրան, Ռուսաստանում եղած բոլոր փոքրիշատե աչքի ընկնող հարստություն ունեցող հայ վաճառականները սկզբից ևեթ տենդենց էին ցույց տալիս ներդնելու իրենց կապիտալները ապրանքային արտադրության ոլորտը:

Մոսկվայում էր գործում հայտնի հայ վաճառական Իգնատի Ֆրանցի Շերիմանը: Նա ծագումով սոր-ջուղայեցի էր: Գալով Ռուսաստան՝ Մոսկվա, նա, 1721 թ., ընկերակցությամբ ազնվական-ֆարրիկանտներ Ապրակսինի, Շաֆիրովի և Տոլստոյի. որոնք Պետրոս I-ի մերձավոր զործակիցներից էին, և ուստի վաճառական Եվրեինովի, ներդնելով 5000 ռուբլի՝ հանդեսացավ Մոսկվայի մետաքսագործական ֆարրիկայի⁸ հիմնադիրներից մեկը: Մետաքսագործական մանուֆակտուրայի տարածման վրա Ռուսաստանում մեծ ուշադրություն էր դարձվում ղեկուս Ալեքսեյ Միխայլովիչի օրերից: Լինելով պերճանքի առարկաների արտադրության հիմնական ճյուղերից մեկը՝ մետաքսագործական մանուֆակտուրան մեծ թվով կապիտալներ էր ներգրավում:

Խոսելով վաճառականական կապիտալի՝ արդյունաբերականի վերածվելու ուղիների մասին Գ. Մարքսը գրում էր. «...Անցումը կատարվում է երեք ձևով. առաջին՝ վաճառականն ուղղակի դառնում է արդյունաբերող. այս պատահում է առևտրի վրա հիմնված արհեստի ճյուղերում, հատկապես պերճանքի իրեր արտադրող ճյուղերում, որոնք վաճառականների կողմից ներմուծվում են արտասահմանից հումքի ու բանվորների հետ միասին, ինչպես տասնհինգերորդ դարում Գոստանդնուպոլսից Իտալիա: Յրկարդ՝ վաճառականը մանր վարպետներին դարձնում է իր միջնորդները (middlemen) կամ թե ապրանքը գնում է հենց ուղղակի ինքնուրույն արտադրողից. նա սրան անվանապես ինքնուրույն է թողնում և արտադրության նրա եղանակն էլ թողնում է անփոփոխ: Ներգրվ արդյունաբերողը դառնում է վաճառական և խոշոր չափերով արտադրում է ուղղակի առևտրի համար»⁹: Ռուսաստանում, հատկապես մետաքսեղենի մանուֆակտուրայի ընդլայնում, մենք տեսնում ենք անցման առաջին ուղին: Մետաքսագործական ֆարրիկաները Ռուսաստանում վաճառականների երախտյրիքն էին հանդիսանում, իսկ քանի որ բուն Ռուսաստանում մետաքսագործության արհեստն անծանոթ էր, ուստի դրա վարպետները բերվում էին հիմնականում Պարսկաստանից և ազգությամբ մեծ մասամբ հայեր էին. հրավիրվում էին նաև բտայացի վարպետներ:

1721 թ. հիմնված մետաքսագործական մանուֆակտուրայի կառավարումը ընկած էր Շերիմանի վրա, և նա հաջողությամբ էր վարում ֆարրիկայի գործերը, ինչպես վկայում էր Շաֆիրովը Ապրակսինին գրած մի նամակում: Բայց մի տարի անց Շերիմանը հեռացավ ընկերությունից՝ իր հետ վերցնելով շուրջ 23070 ռուբլու մետաքսի հումույթ, ներկանյութեր ու պատրաստի արտադրանք և Մոսկվայում հիմնեց իր սեփական մանուֆակտուրան¹⁰. 1733 թ. Շերիմանը

⁸ С. М. Соловьев, История России с древнейших времен, т. XVI, СПб, изд. III, т. 170—171.

⁹ Գ. Մարքս, Կապիտալ, հատ. III, Երևան, 1947, էջ 323:

¹⁰ Е. И. Заозерская, Развитие легкой промышленности в Москве в первой четверти XVIII в., Москва, 1953, էջ 308:

Ֆարրիկան տեղափոխեց Բոգորոդոսկի գավառի Ֆրյանովո գյուղը, որը գտնվում էր ժելյարովսկուց՝ 55 շունչ արական սեռի պատկանող ճորտ գյուղացիներով հանդերձ¹¹։ Այսպես հիմք դրվեց մի մետաքսագործական ֆարրիկայի, որը ժամանակին լավագույնը պետք է դառնար Ռուսաստանում։ Ըստ Պ. Գ. Լյուբոմիրովի բերած տվյալների, XVIII դարի 60-ական թթ. Մոսկվայում երեք մետաքսագործական ֆարրիկաներ պատկանում էին հայ վաճառականների, իսկ երկուսում նրանք հանդես էին գալիս որպես բաժնետերեր¹²։ Մոսկվայի նշանավոր մետաքսագործարաններից էր նաև Վասիլի Խաստատովի ֆարրիկան, որը սկզբնական շրջանում սրա և Լուկա Շիրովանովի կողմից հիմնադրվել էր Աստրախանում¹³, իսկ հետագայում տեղափոխվել Մոսկվա։

Բնական էր, որ Աստրախանում ևս զարգանային մետաքսագործական մանուֆակտուրաները, քանի որ սա այն կետն էր, որտեղ նախապես ստացվում էր մետաքսի հումուլյթը։ Եթե XVIII դարի առաջին քառորդում այստեղ մետաքսեղենի արտադրությունը դեռևս տնայնագործական բնույթ էր կրում, ապա նույն դարի 40-ական թվականներին ստեղծվում են առաջին մանուֆակտուրաները։ 1740 թ. սեպտեմբերի 17-ի սենատական հրամանագրի համաձայն Աստրախանում հիմնվեց առաջին մետաքսագործական մանուֆակտուրան հայ վաճառականներ՝ Մակարով Եղրայրների, Լուկա Շիրովանովի և Դասպար Բոգդանովի կողմից, որոնք հետագայում՝ 1746 թ., ինչպես արդեն նշել ենք, այն փոխադրեցին Մոսկվա, ուր ի վերջո դարձավ Վասիլի Խաստատովի սեփականությունը¹⁴։ Ինչևէ 1783 թ. Աստրախանում արդեն կային 18 մետաքսագործական մանուֆակտուրաներ, որոնք մեծ մասամբ գտնվում էին հայ վաճառականների ձեռքում։ Վաճառական Բունիաթովների մանուֆակտուրայում կար 20 զապահ։ Մական սրանք կառավարությունից ստացել էին միայն 20 հոգի և ստիպված էին դիմելու ազատավարձու բանվորական ուժի՝ մանուֆակտուրայի գործունեությունը ապահովելու համար¹⁵։ Կային նաև համեմատաբար փոքր, տնայնագործական բնույթի ձեռնարկություններ, ինչպես Իվանովինը՝ 3 զապահով և Իվանիսով Վարագինը¹⁶։

1755 թ. Ռուսաստանում հիմնվեց թերևս առաջին ակցիոներական առևտրական ընկերությունը, որը Տեմերնիկի նավահանգստից առևտրական կապեր ունենալով Կոստանդնուպոլսի, Իտալիայի, Վենետիկի և այլ վայրերի հետ։ Բաց էր թողնվել 200 ակցիա՝ յուրաքանչյուրը 500 ռուբլի արժողությամբ։ Ընկերության մեջ չմտնող վաճառականներին արգելվում էր վերը թվարկված վայրերի հետ առևտուր կատարել¹⁷։ Այդ ընկերության «օրեր-դիրեկտորն» էր հայ վաճառական Վասիլի Խաստատովը (Մակարով)։

¹¹ Центральный государственный архив древних актов (ЦГАДА), ф. 1252, д. 3006, л. 28.

¹² П. Г. Любимиров, Очерки по истории русской промышленности, Москва, 1947, էջ 578։

¹³ Архив внешней политики России (АВПР), ф. Сношения России с Арменией, оп. 100/1, д. № 2, л. 1 об.—5 об.

¹⁴ П. Г. Любимиров, նշվ. աշխ., էջ 638։

¹⁵ Е. И. Заозерская, Рабочая сила и классовая борьба на текстильных мануфактурах России в 20—60-х гг. XVIII в., Москва, 1960, էջ 298։

¹⁶ П. Г. Любимиров, նշվ. աշխ., էջ 651։

¹⁷ А. Семенов, նշվ. աշխ., էջ 173։

1752 թ. Նոր-Ջուղայից Պետերբուրգ գաղթած և ուսական հպատակություն ընդունած Իսախանով եղբայրների աղերսագրի համաձայն՝ վեց տարի անց ստեղծվեց մի նոր ակցիոներական ընկերություն: Նոր առևտրական ընկերությունը իրավունք էր ստանում Պարսկաստանի հետ մոնոպոլ առևտուր կատարելու, ընդ որում բաց էր թողնվում 4000 ակցիա, յուրաքանչյուրը 150 ռուբլի արժողությամբ: Ընկերության «օրենք-դրեկտորն» էր Մանվել Իսախանովը¹⁸:

Ցարական կառավարությունն իր հերթին մեծ շահագրգռվածություն էր ցույց տալիս նորանոր կապիտալների գրավելու Ռուսաստան: Այդ տեսակետից հետաքրքիր է Նոր-Ջուղայի վաճառականներից Թարխան Աղամալովի օրինակը: Նադիր շահի սպանությունից հետո նա անցել էր Հնդկաստան, որտեղից վրաց Հերակլ II թագավորի հրավերով եկել էր Վրաստան և իր հարստության շնորհիվ իսկույն մեծ գիրք գրավել Հերակլի արքունիքում: Սակայն ֆեոդալական անվերջ երկպառակությունների հետևանքով մշտական ընդհարումների թատերաբեմ դարձած Անդրկովկասը չէր կարող նպաստավոր պայմաններ ընձեռել առևտրական խոշոր շրջանառությունների համար, էլ չխոսենք այն մասին, որ այդտեղ այդ ժամանակ հնարավոր չէր փոքրիշատե զարգացնել մանուֆակտուրային արտադրություն: Այդ հասկանալով՝ Աղամալովը որոշեց մեկնել Դուսաստան և այդ նպատակով՝ Վրաստանում ուսական ուղիղենտ կովիչի հպատակության երդում տվեց: Բայց Հերակլը չէր ուզում ձեռքից բաց թողնել հարուստ վաճառականին, որը բավական մեծ եկամուտ էր բերում արքունական գանձարանին: Հարցի լուծմանը միջամտեց եղավ կանցլեր Ն. Ի. Պանինը: Կրկնապես գրադրություններից հետո վերջինիս հաջողվեց կոտրել Հերակլի համառությունը և հասնել Աղամալովի արձակմանը: Այդ պործում քիչ դեր չխաղաց նաև Հովհաննես Կապադյանը, որը Հերակլի եղբայր Անտոնի (հետագայում վրաց կաթողիկոս) և որդի Լևանի միջոցով դիմեց իրեն՝ Հերակլին, խնդրելով թույլ տալ Աղամալովին տեղափոխվել Ռուսաստան: 1774 թ. Աղամալովը տեղափոխվեց Ռուսաստան¹⁹: Այս էպիզոդը ևս պալիս է վկայելու, որ ոչ միայն հայ վաճառականական կապիտալն էր ձգտում իր համար հաստատուն և ավելի ապահով կայաններ ստեղծել, այլև այդ հարցում շահագրգռված էր մեծ չափով նաև ցարական արքունիքը:

Ահմեդ Է, որ XVIII դարի կեսերին հայ վաճառականական կապիտալը բավական ամուր գիրքեր ուներ Ռուսաստանում, այնքան ամուր, որ կարողանում էր առևտրական մոնոպոլիաներ վերցնել իր ձեռքը: Սակայն վերադառնալով մանուֆակտուրային արտադրությանը: Հայ վաճառականները մետաքսեղենի մանուֆակտուրաներ էին հիմնել նաև Պետերբուրգում: Հայտնի էին Մանուիլովի, Բոգդան Հախվերդովի, Պետրոս Շիրվանովի և Մանուշարյան եղբայրների մետաքսագործական ֆաբրիկաները²⁰: Ռուսաստանը զուրկ էր մետաքսագործության համար անհրաժեշտ հումքի բաղաչից: Այդ նպատակով մեղարդեն ծանոթ Լուկա Շիրվանովը, Վասիլի Խաստատովը և մյուսները Աստրախանում ու Ղզլարի մերձակա վայրերում հիմք են դնում շերամապահությանը, տնկում են թիթի այգիներ: Նրանք նախաձեռնում են այդ վայրերում մտցնելու

¹⁸ АВІР, ф. «Сношения России с Арменией», оп. 100/1, д. № 1, л. 1—11.

¹⁹ SL՝՝ ПГАДА, ф. 1252, д. 1682, лл.: 147—156 об.

²⁰ Նույն տեղում, д. 19, лл.: 6—7.

նաև բրնձի և բամբակի կուլտուրաների մշակությունը: Այդ հարցերում նրանք ստանում էին կառավարության օժանդակությունը, քանի որ վերջինս մեծ շահագրգռվածություն էր հանդես բերում այդ գործում: Գեռևս 1710 թ. Պետրոս I-ը հայ վաճառական Սաֆար Վասիլեին արտոնություններ էր շնորհել վերահիշյալ գյուղատնտեսական կուլտուրաների մշակությունը Թերեքի ավերին տարածելու համար²¹: Ամուսնանալով նրա այրու հետ, 1747 թ. հունիսի 18-ին Լուկա Շիրվանովը ձեռք է բերում կալսերական հրամանագիր, համաձայն որի նրան վերապահվում էին ժամանակին Սաֆար Վասիլեին տրված բոլոր արտոնությունները²²: Այսպիսով հայ վաճառականները ոչ միայն ներդնում էին իրենց կապիտալը մանուֆակտուրային արտադրության մեջ, այլև աշխատում էին ստեղծել զրա համար անհրաժեշտ հումքային բազա:

1755 թ. կալսերական ռեզիմենտը վերացնում էր ներքին մաքսերը, փաստորեն ընդառնելով ամբողջական համառուսական շուկայի ստեղծմանը: Գնևրի միջև եղած տարբերությունները չնջվում էին, փոքրանում էր փոխանակության ոչ-էկվիվալենտայնությունը և այդպիսով հարվածի տակ էին դրվում առևտրական բարձր շահույթ ստանալու հնարավորությունները: Միաժամանակ տնտիճանարար, թեև չափազանց դանդաղ, ընթանում էր մի այլ պրոցես՝ արդյունաբերության բաժանումը գյուղատնտեսությունից, որի հետևանքով բնդարձակվում էր ապրանքային արտադրությունը: Այս պարագան վաճառականական կապիտալի ներկայացուցիչների առջև բաց էր անում բարձր շահույթ ստանալու մի այլ և ավելի հիմնական աղբյուր՝ ապրանքային արտադրությունը և անմիջական արտադրողների շահագործումը՝ այս անգամ արդեն որպես վարձու բանվորական ուժ: Աստրախանում, Մոսկվայում և Պետերբուրգում հայ վաճառականների XVIII դարում հիմնած մանուֆակտուրաները ցույց են տալիս, որ ոչ-էկվիվալենտային փոխանակության հետևանքով նրանց մոտ ահդին զրամագլուխներ էին կուտակվել, որոնք այժմ նրանք ներդնում էին ապրանքային արտադրության ոլորտը՝ հետապնդելով ավելի բարձր շահույթ ստանալու նպատակներ:

Եթե մինչև 60-ական թվականները շրջանառության ոլորտից արտադրության ոլորտը անցնող վաճառականական կապիտալի ներկայացուցիչները իրավունք ունեին ճորտեր դնել, կամ ճորտեր էին ստանում ֆաբրիկաներում աշխատեցնելու համար (չպետք է մոռանալ, որ ֆեոդալիզմի պայմաններում Ռուսաստանում խիստ սահմանափակ, աննշան էր ազատավարձու բանվորական ուժի շուկան), ապա 1762 թ. մարտի 29-ի հրամանագրով երրորդ դասի առջև փակվում էր այն փոքրաթիվ ուղիներից ամենակարևորը, որով նա անցում էր կատարում դեպի ապրանքային արտադրությունը: Զրկվելով ճորտեր դնելու իրավունքից, ազատավարձու բանվորական ուժի համարյա թե բացակայության պայմաններում, վաճառականական կապիտալի համար խիստ դժվարանում էր դանկալի անցումը:

Պատմական այդ ժամանակաշրջանում իրենց գործառնությունները Ռուսաստանում ծավալած Լազարյանների օրինակը ցույց է տալիս, թե որքան ուժեղ էր մասնավորապես հայ առևտրական բուրժուազիայի մոտ ապրանքային արտադրության ասպարեզ մտնելու տենդենցը: Ելիզավետա Պետրովնային մա-

²¹ С. М. Соловьев, *Узл. шл.*, հատ. XVIII, էջ 784:

²² АВПР, ф. «Сношения России с Арменией», оп. 100/1, д. 2, лл.: 1 об.— 5 об.

տուցված մի աղերսագրում կազարյանները հետևյալ կերպ էին բացատրում Ռուսաստան տեղափոխվելու փաստը. «Պարսկաստանում ծայր տուած խառնաշփոթությունների և վտանգների պատճառով» — գրում էր Հարություն կազարյանը, Աղազար կազարյանի եղբայրը, — ինչպես ես, Ձեր խոնարհ ծառան, այնպես էլ իմ հիշյալ եղբայրը (Աղազար կազարյանը — Վ. Գ.) մեր ամբողջ ընտանիքով և կապիտալով, հիմնվելով երանելի և հավիտենական փառաց հիշատակի արժանի նորին կայսերական մեծության Ձեր ամենասիրելի ծնողի նուազրումների վրա, եկանք ռուսական կայսրություն և այստեղ նշանակալից վաճառականական գործառնություններ ծավալեցինք ու մանուֆակտուրան ընդարձակեցինք... Խոնվելով Ձերդ կայսերական մեծության հովանավորության ներքո, մենք մտադրվել ենք օտար պետություններում գտնված մեր կապիտալները ստանալով՝ միավորել և մեր ֆարրիկաներն ու գործառնությունները այստեղի կայսրության մեջ բազմապատկել»²³:

Այս քաղվածքից երևում է, որ Ռուսաստան տեղափոխվելով Պարսկաստանում ստեղծված ներքին անբարենպաստ իրադարձությունների հետևանքով կազարյանները մտադիր էին ոչ միայն առևտրական գործառնություններով զբաղվել, այլև «բազմապատկել» իրենց ֆարրիկաները, այսինքն զբաղվել սպրանքային արտադրությամբ: Եվ իսկապես, Ռուսաստան գալուց մի քանի տարի անց, 1758 թ., նրանք Իդնատի Շերիմանի որդի Զաքար Շերիմանից գնեցին Ֆրյանովոյի մետաքսագործական մանուֆակտուրան²⁴: Դեպի ապրանքային արտադրության ընդլայնումը նրանց մղում էր այն պատկանելի զրամական հարստությունը, որ կենտրոնացած էր նրանց ձեռքում: Դեռևս 1741 թ., երբ Սպահանում Խոջա Նազարեթի երեք որդիները՝ Հարությունը, Մանուկը և Աղազարը միավորեցին իրենց զրամագլուխները միասնական առևտրական գործառնություններ կառուրելու համար, սրանցից Հարությունը շրջանառության մեջ մտցրեց 670 թուման, Մանուկը՝ 900 և Աղազարը՝ 1000 թուման²⁵: Բանկարժեք մետաքսյա կերպասեղենի արտադրությունը պահանջում էր ունենալ մեծ քանակությամբ շրջանառու կապիտալ, որովհետև մետաքս գործելը չափազանց շատ ժամանակ էր պահանջում, չխոսելով այն մասին, որ լավորակ արտադրանք տալու համար անհրաժեշտ էր ձեռք բերել մետաքսի հումույթի լավագույն տեսակները և ամենաթանկարժեք ներկեր: Այստեղից էլ պարզ է, որ ոտք դնելով մետաքսագործության ասպարեզը՝ կազարյանները պետք է ունենային արտադրության այդ ճյուղին համապատասխան զրամական միջոցներ:

Կազարյանները ճիշտ էին գրում, որ մտադիր են բազմապատկել ֆարրիկաները: 1767 թ. Հովհաննես կազարյանը հոր անունից ղեմեց Եկատերինա 11-ին, որպեսզի Վոլգա գետի մոտ, Ախտյուրա գետի վրա ընակություն հաստատած ղյուղացիներին իրենց ունեցվածքով առն իր հորը մշտնջենական և ժառանգական տիրակալության իրավունքով, պարտավորվելով նրանցից յուրաքանչյուր շնչի համար վճարել 30-ական ուրլի²⁶: Ախտյուրայի ավերին ղեռնա 1720 թ. Պետրոս 1-ի կարգադրությամբ պետք է հիմնվեր մետաքսագործարան, սակայն այդ գաղափարը իրագործվեց միայն 1757 թ., երբ Աստ-

²³ АВПР, ф. «Сношения России с Арменней», оп. 100/1, д. 1. (1761 г.), л. 1.

²⁴ ЦГАДА, ф. 1252, д. № 3006, л. 28.

²⁵ ՀՍՍՌ ՊԽՄ. Մատենադարան, Կազարյանների արխիվ, թղթապ. 101, փափերագիր 1, թ. 1:

²⁶ ЦГАДА, ф. 1252, оп. 1, д. 1689, л. 81.

րախանի պետական այգիներէ կառուարիչ Պարոբիչին կարգադրուեց հիմնել Բեզրոդնոյէ կամ Վերխնեախտյուրինսկոյէ, իսկ շուտով նաև նիժնեախտյուրինսկոյէ գյուղերը: Արդյունքներն անբավարար էին, ուստի Եկատերինա II-ը այդ դործը հանձնարարեց Ստրախանի նահանգապետ Բեկետովին, որը ծանոթանալով այդ վայրին՝ հուշահայտնեց, որ տարեկան 80 փութ բամբակ կստացվի: Բայց Բեկետովի հուշներն ի դերն ելան, քանի որ անշան էր ստացվող հումուլթի քանակը²⁷: Այսպէս կարգադրանքն իր հերթին դիմել էր նահանգապետ Բեկետովին Ախտյուրայի մետաքսագործարանի հարցով: Ուստի վերջինս, դոհունակութեամբ ընդունելով այդ դիմումը, որը կազատեր նրան չլիսացավանք պատճառող հոգսերից, 1768 թ. ապրիլի 11-ին գրում է արքունիք, որ շնայած վերջին տարիներին որոշ հաջողութիւն կա Ախտյուրայի մետաքսագործարանի արտադրութեան մեջ, բայց և այնպէս հարկ է այն հանձնել Մոսկվայի մեշչանին կազարչանին, որը երկար տարիներ ապրել է Պարսկաստանում, շատ հմուտ է մետաքսի արտադրութեան հետ կապված գործերին, որ նա Թուսաստանում գտնված բավականաչափ երկար ժամանակամիջոցում եղել է ջանասեր և իր «Բարի վարքով» Մոսկվայի մետաքսագործական ֆարիկան հասցրել է «գերազանցագուն» դրութեան. ուստի կասկած չի կարող լինել, որ կազարչանը ամեն ինչ կանի, որպէսզի Ախտյուրայի մետաքսագործարանն էլ հասցնի «ծաղկալ» դրութեան: Ելնելով այս ամենից, Բեկետովը խնդրում էր ընդառնել կազարչանի ցանկութեանը²⁸: Իր խնդրքը հարգվելու դեպքում Հովհաննէս կազարչանը պարտավորվում էր ոչ միայն «մետաքսագործարանը հասցնել ցանկալի դրութեան», այլև խոստանում էր հիմնարկել նաև «ուրիշ օգտակարագուն պլանտացիաներ», տվյալ վայրում բնակեցնելով վարպետ օտարերկրացիների և դրանով իսկ օրինակ հանդիսանալով այն անձնավորութիւնների համար, որոնք անշուշտ կհետեւն իր օրինակին, եթե տեսնեն, թե ինչպիսի մեծ շահ կարելի է ստանալ, մի բան, որ դեռևս «ներանց մտքովն իսկ բնավ չի անցել»²⁹: Սակայն ոչ կազարչանների աղերսագրերը և ոչ էլ նահանգապետ Բեկետովի միջնորդութիւնը ցանկալի արդյունք չտվեցին: Հավանական է, որ այդ բանին մեծապէս խոչընդոտեց 1762 թ. մարտի 29-ի հրամանագիրը, որը ոչ-ազնվական ծագում ունեցող անձանց արգելում էր ֆարիկաների համար գյուղեր և գյուղացիներ դնել:

Գնելով Ֆրյանովոյի մետաքսագործական ֆաբրիկան, կազարչանները մտահոգված էին արտադրաբանակի ավելացմամբ: XVIII դարի 60-ական թթ. սկզբներին այնտեղ գործող զաւգահների թիւը հասել էր 130-ի: Բայց և այնպէս զգացվում էր բանվորական ուժի պակաս, իսկ բանվորներ ձեռք բերելը շատ դժվար էր: Ինչպէս երևում է Աղազար և Պետրոս կազարչանների կողմից: Եկատերինա II-ին 1763 թ. մատուցված խնդրագրից՝ նրանք այնքան ջուլհակներ ունեին, որքան և զաւգահներ: Այդ իսկ պատճառով էլ, երբ ջուլհակներից որեւէ մեկը հիվանդութեան պատճառով կամ որեւէ մի այլ պատճառով բացակայում էր ֆարիկայից, նրա զաւգահը պարտաւ էր մնում: Բացի այդ, բանվորներից շատերն արդեն ծերացել էին և սպառնալիք կար, որ շուտով

²⁷ В. Селевский, Крестьяне в царствование императрицы Екатерины II. т. I, СПб., 1881, т. 562—578.

²⁸ ЦГАДА, ф. 1252, д. 1689, лл.: 99—101.

²⁹ Նույն տեղում, лл.: 81 օ6.—82.

շարքից դուրս կզան: Ծնված երեխաների թիվը, իր հերթին, լավարար չէր, որպեսզի վերարտադրեր աշխատուժը: Այս հանգամանքը խիստ բացասաբար էր անդրադառնում մետաքսագործական ֆարրիկյան ընդարձակելու և արտադրանքի քանակը բարձրացնելու ընթացքի վրա: Թեև 1760 թ. համաձայն «Մանուֆակտուր-կուլեգիայի» անդամ Միխայիլ Սդարի զեկուցագրի (որտեղ կազարյանների ֆաբրիկյան նկարագրված էր որպես լավագույնը Մոսկվայում)³⁰, կազարյաններին թույլատրվել էր առանց հողի գյուղացիներ զննել ֆարրիկայի համար, բայց 1762 թ. մարտի 29-ի հրամանագիրը արգելք էր հանդիսացել այդ ուղղությամբ գործնական քայլեր անելուն: Իրենց աղերսադրում կազարյանները բացատրում էին, որ մետաքսագործության արհեստին ծանոթ ազատավարձու բանվորներ դառնել չեն կարող, քանի որ դա Ռուսաստանում քիչ տարածված արհեստներից մեկն էր: Եթե նույնիսկ գտնվելու էլ լինեին նման ազատավարձու բանվորներ, ասում էին կազարյանները, ապա միևնույնն է, նրանց վրա հույս դնել չէր լինի, քանի որ միառժամանակ աշխատելուց հետո պետք է թողնեին և գնային: Շատերը նրանցից հեռանում էին ավելի շուտ, քան թե պարտավոր էին ըստ պայմանագրի: Մեր կարծիքով, թեև ֆարրիկյաններն այդ մասին լուրս էին, ազատավարձու բանվորական ուժի կիրառումը նրանց համար այնքան էլ ցանկալի չէր, քանի որ վերջիններս համեմատաբար թանկ էին նստում նրանց վրա, բացի այդ, նրանց առկայությունը կարող էր քայքայիչ ազդեցություն ունենալ ճորտական կախման մեջ գտնվող բանվորների վրա:

Ճորտատիրական Ռուսաստանում մանուֆակտուրային արտադրության համար ստեղծված պայմաններում բանվորական ուժով ֆարրիկյանները ապահովելու միակ ելքը ֆարրիկատերերը տեսնում էին ճորտ բանվորներ ունենալու հնարավորության մեջ: Այդ իսկ պատճառով կազարյանները իրենց աղերսագիրը վերջացնում էին խնդրանքով, որ իրենց ևս այնպես, ինչպես ֆարրիկյան տոնչարովին, թույլատրվի գնել ճորտ գյուղացիներ մանուֆակտուրայում աշխատեցնելու համար³¹: Որ իսկապես կազարյանները հարկադրված էին դիմում այդ միջոցին, որ նրանց հետաքրքրում էր բանվորական ձեռքերով մանուֆակտուրան ապահովելու հարցը և ոչ թե ճորտ գյուղացիներ ունենալու բազմաթիվ, երևում է այդ նույն առիթով Հովհաննես կազարյանի կողմից նկատերինա II-ին դրած աղերսագրից: Անդրադառնալով հոր խրնդ-բանքին՝ նա գրում էր, որ իր հայրը «նպատակ չի հետապնդում ունենալով իր գյուղացիները, և կրելով սոսկ գործարանատիրոջ անուն, օգտվել գյուղացիական աշխատանքից» (այսինքն ստանալ ֆեոդալական ունեռա—Վ. Դ.), որ «նա միշտ էլ ավելի հաճույքով ձեռնամուխ էլինելու կատարելու այդ աշխատանքները (խոսքը ֆարրիկայի մասին է -- Վ. Դ.) ազատավարձու մարդկանց միջոցով, առավել ևս այն բանի համար, որ պարտավոր չէր լինի կերակրելու տնտեսաբաններին և աշխատանքի անընդունակ մարդկանց». բայց ազատավարձու բանվորական ուժ ձարելը բավականին բարդ և դժվարին հարց է. և «եթե նույնիսկ հավաքելու լինի տարրեր տեղերից իրենց անձնագրերով և կող տնձնավորությունների, ապա այդպիսիները սովորաբար միառժամանակ

³⁰ Материалы по истории крестьянской промышленности, т. II, М.—Л., 1950, № 76 и 77.

³¹ ЦГАДА, ф. 1252, д. 1689, лл. 55—56 об.

մնալով և հազիվհազ ծանոթանալով արհեստին՝ կհեռանան կամ ինքնակամորեն կամ !, իրենց տիրոջ ցանկության համեմատ, ինչպես նաև անձնագրերի ժամկետը լրանալու պատճառով»³²։

Նոր մետաքսագործարան և ֆաբրիկա հիմնելու փորձերը շարունակվեցին նաև հետագա տարիներին։ 1777 և 1783 թթ. Հովհաննես Լազարյանը երկու անգամ փորձեց Հյուսիսային Կովկասում ձեռք բերել թթենիներ տնկելու համար պիտանի հողեր։ Եթե նրա առաջին փորձը վերջացավ անհաջող³³, ապա երկրորդ անգամ համաձայնությունը ստացվեց, բայց անհայտ պատճառներով այդ գործը բարձիթողի արվեց³⁴։

Սակայն, թեև մետաքսագործական նոր ֆաբրիկաներ կառուցելու Լազարյանների մտադրությունը չիրագործվեց, նրանք այնուամենայնիվ ընդհանրապես ձեռք չքաշեցին իրենց կապիտալը ապրանքային արտադրության ոլորտը մտցնելուց։ Շուտով նրանց տեսնում ենք արդյունաբերության մի այնպիսի լուրջ ճյուղում, ինչպիսին լեռնարդյունաբերությունն էր՝ սև մետալուրգիան։

XVIII դարի կեսերին մենք նկատում ենք ուժեղ ձգտում՝ դեպի լեռնարդյունաբերական ձեռնարկությունները ոչ միայն վաճառականական կապիտալի ներկայացուցիչների, այլև տոհմիկ ազնվականության պարագլուխների հողմից։ Այդ առթիվ ակադեմիկոս Ստրուվիլինը գրում է. «Արդեն 1750-ական թվականների սկզբներից դեն նետելով ազնվականական ամեն մի գոռոզամտություն, պղնձի և երկաթի առևտուր անող գործարանատերերի թվում, նախկին դարբինների և շարժիների հետ միասին, հայտնվում են նաև տոհմիկ ազնվականներ Ա. Ի. Շուվալովը (1751), նրա եղբայր՝ Ելիզավետայի ֆալտրիտ Պ. Ի. Շուվալովը (1753), կանցլեր Մ. Լ. Վորոնցովը, սրա եղբայր՝ գեներալ-անշեֆ կոմս Ռ. Լ. Վորոնցովը, ֆելդմարշալ կոմս Պ. Ի. Ռեպնինը (1755), կամերգեր՝ կոմս Ի. Գ. Չերնիշովը, կամերգեր՝ կոմս Ս. Պ. Յագուժինսկին, լեյբ-գվարդիական Ա. Գուրևը (1755), իշխաններ Մ. Մ. Գուլիցինը, Շախովսկոյը և ուրիշներ»³⁵։

Սակայն արդյունաբերությունը տալիս էր ոչ միայն բարձր շահույթ, այլև պահանջում էր խոշոր կապիտալ ներդրումներ, մի բան, որ ի վիճակի չէին անելու ապրանքային արտադրությամբ զբաղվող այս ազնվականները։ Ուստի զարմանալի չէ, որ շատ շուտով գրեթե նրանք բոլորն էլ հայտնվեցին կոտրած տաշտակի առջև։ Այդ բանն է ապացուցում թեկուզ այն հանգամանքը, որ իր ձեռնարկությունները փրկելու նպատակով կոմս Ա. Ս. Ստրոգանովը 1771 թ. հարկադրված էր դրանք կապալով տալու Լազարյան եղբայրներին, որոնք վեց տարի շարունակ գործի էին դնում Ա. Ս. Ստրոգանովի ձեռնարկությունները³⁶ և շնորհիվ ներդրած կապիտալի՝ փրկվեցին այն կորստից։ Այն բանը, որ արդեն իսկ ճորտատիրական աշխատանքի վրա հիմնված Ուրալյան լեռնային արդյունաբերական տնտեսությունը կարիք ուներ կապիտալների,

³² ЦГАДА, ф. 1252, д. 1689, лл. 81—82.

³³ Центральный государственный исторический архив в Ленинграде (ЦГИА.Л), ф. 880, оп. I, д. 13, лл. 96—97.

³⁴ ЦГИАЛ, ф. 880, оп. I, д. 68, лл. 90, 91 и 99.

³⁵ С. Г. Струминин, История черной металлургии в СССР, т. I, Москва, 1954, т. 199.

³⁶ ЦГАДА, ф. 1252, д. № 1692, лл. 110—144 об.

որոնք կիսարմացներին և կընդարձակեին արտադրությունը, վկայում է նաև մի ալ պարագա՝ Ստրոգանովների երբեմնի հզոր տնտեսության XVIII դարի երկրորդ կեսին ապրած խոր ցնցումները, որոնց հետևանքով նրանց մի շարք կալվածքներ վաճառվեցին և Ստրոգանովների երբեմնի մոնոպոլ տիրույթներում հայտնվեցին նոր «մասնակիցներ», որոնց թվում նաև Հազարյանները։ Վերջիններս հնարավորություն ունեցան ոտք դնելու լեռնարդյունաբերության ասպարեզ միայն այն բանից հետո, երբ իրենց վրա փակցրին ոռոսական ազնվականի պիտակը³⁷։ Միայն ազնվականությունն ու սպայական աստիճանն էլ ևկատերինյան Ռուսաստանում հնարավորություն ստեղծում վաճառականների շարքերից ընկնել արդյունաբերողների շարքերը։ Հազարյանները թերևս առաջիններից էին, որոնք ընթացան այդ ուղիով՝ վաճառականությունից բարձրանալով ազնվական-արդյունաբերողների աստիճանի։

Դառնալով լեռնարդյունաբերողներ, Հազարյանները շեշտը դնում էին հենց արտադրությունից ստացվող շահույթի և ոչ թե ֆեոդալական տնտեսվի վրա³⁸։ Արտադրական պրոցեսների մեքենայացում և բարելավում՝ արտադրաքանակի բարձրացման համար՝ սա էլ երկրորդ մոմենտն էր, որ պետք է դրվեր ուշադրության կենտրոնում և, վերջապես, գործող գործարանների թվական աճը։

Հայ վաճառականական կապիտալից արդյունաբերականին անցնելու արտահայտություններից մեկն էր, անշուշտ, 1781 թ. Պետերբուրգում հայկական առաջին տպարանի բացումը Նոր-Ջուլայի հայտնի վաճառական Գրիգոր Խալիզարյանի կողմից։ Խալիզարյանի սնանկացումը և պարտքերի տակ ընկնելը խոսում էր միայն և միայն այն մասին, որ գեոևս արտադրանքի այդ տեսակը անհրաժեշտ սպառողական պահանջ չունենր։

Ներկա սեղմ ակնարկում բերված փաստերը ցույց են տալիս, որ կապիտալի նախնական կուտակումը հայ վաճառականական կապիտալի ներկայացուցիչների մոտ բավական բարձր աստիճանի էր հասել։ Արդեն XVIII դարի սկզբներից նրանց որոշ մասի մոտ նկատվում է իրենց ձեռքում կուտակված դրամական խոշոր միջոցները արտադրության գանազան ճյուղերի և հատկապես մետաքսագործության մեջ ներդնելու ձգտում։ Այստեղ մենք գործ ունենր վաճառականական կապիտալից արդյունաբերականին անցնելու այն առաջին ուղու հետ, որի մասին խոսում է Կ. Մարքսը «Կապիտալում»։

Պարսկաստանում XVIII դարի 40-ական թվականներին ստեղծված խառնաշփոթ իրադրության հետևանքով հայ վաճառականական կապիտալի ներկայացուցիչներից շատերը ընդմիշտ լքում են Նոր-Ջուլան և հաստատվում Ռուսաստանում։ Հենց այդ թվականներին է, որ մենք հայ վաճառականության շրջանում նկատում ենք մանուֆակտուրաների ստեղծման առավել մեծ թափ։

Ցարական կառավարությունն ինքը շահագրգռված էր զարկ տալու մանուֆակտուրաների կառուցմանը և Պարսկաստանի հետ կառարվող առևտրի հետագա զարգացման ընթացքում լոլոր տեսակի հնարավորություններ էր ստեղծում, որպեսզի առավել մեծ քանակությամբ հայ վաճառականներ գան Պարսկաստանից Ռուսաստան։ Այդ գործում ոռոսական կառավարությունը բավական մեծ հաջողությունների հասավ։

³⁷ ЦГАДА, ф. 1252, д. № 1682, л. 102.

³⁸ ЦГИАЛ, ф. 880, оп. I, д. № 32, л. 25

Հայ վաճառականական կապիտալի զարգացման պատմության համար շափազանց բնորոշ է կապարյանների օրինակը: Նրր հետևում ենք այն ջանքերին, որ թափում էին նրանք արդյունաբերության մեջ հաստատվելու կամ իրենց մանուֆակտուրային ձեռնարկությունն ընդարձակելու համար, իսկապես համոզվում ենք, որ կապիտալի նախնական կուտակումը արդեն մեծ շափերի էր հասել XVIII դարի Ռուսաստանում և միայն ճորտատիրական կարգերի առկայությունն էր, որ արգելակում էր, պայմաններ չէր ստեղծում արդյունաբերական կապիտալի զարգացման համար:

Ստեղծված դժվարությունները հաղթահարելու և ապրանքային արտադրության համար անհրաժեշտ աշխատուժ ձեռք բերելու նպատակով կապարյանները կատարում են անցում վաճառականության շարքերից դեպի ազնվականության շարքերը և այդ բազայի հիման վրա կուտակած կապիտալը ներդնում ապրանքային արտադրության ոլորտը:

Կեռնարդյունաբերությունը կարիք ուներ նոր, լրացուցիչ ներդրումների, որ համարյա թե անհնարին էր ֆեոդալական Ռուսաստանի պայմաններում: Այդ է վկայում այն հանգամանքը, որ 1760—1800-ական թթ. երկրում կառուցվել էին ընդամենը 6 դոմնային գործարաններ, որոնցից մեկը՝ Կիզելինը, կառուցվել էր Հովհաննես կապարյանի կողմից: Նա իր գնած Չերմոսի դոմնային գործարանը, որը մտնում է այդ 6 կառուցված գործարանների մեջ, հիմնովին վերանորոգել էր գնումից մեկ-երկու տարի անց: Կեռնարդյունաբերության բնագավառում կատարված այս համեստ քայլը վկայում էր, որ այստեղ մեծ ներդրումների կարիք կար տակավին: Կապիտալի նախնական կուտակումը, այսպիսով, հայ վաճառականության մոտ իսկապես մեծ շափերի էր հասել:

СТРАНИЦЫ ИЗ ИСТОРИИ АРМЯНСКОГО КУПЕЧЕСКОГО КАПИТАЛА В РОССИИ

В. А. ДИЛОЯН

(Р е з ю м е)

После переселения армян из восточной части Армении в Персию и основания города Новой Джульфы на пороге XVII в. армянский торговый капитал начал играть видную роль во внешней торговле этой страны. Однако распад Сефевидского государства в результате нашествия афган и усиления гнета в годы царствования шаха Надира и после его смерти нанес непоправимый удар армянской торговой буржуазии. В эти годы особенно усиливается утечка армянского купеческого капитала в Россию и Индию. Еще в начале XVIII в. накопление капитала у отдельных представителей армянской торговой буржуазии достигло такой высокой степени, что возникла тенденция вложения его в промышленные предприятия. Если это было невозможно в условиях Персии, то для данной цели существовали определенные благоприятные условия в России. В результате этого, а также благодаря предоставляемым армянскому купечеству привилегиям, в XVIII в. в России возникает ряд предприятий, особенно шелкоткацких, принадлежавших купцам-армянам. Так, появ-

ляются шелковые фабрики джюльфинского купца Игнатия Францева Шеримана в Москве, Макаровых и Ширванова, братьев Бунятовых в Астрахани, братьев Манучаровых, Мануилова, Хахвердова и других в Петербурге и т. д.

В 40-х годах XVIII в. в Россию переехала известная семья купцов Лазаревых, сыгравшая заметную роль как в истории армянского освободительного движения, так и в развитии армянской культуры. Обладая крупным состоянием, Лазаревы купили фабрику Игнатия Шеримана и превратили ее в лучшую шелковую фабрику России второй половины XVIII в. Но они не остановились на этом. Став «российскими дворянами» и таким образом получив возможность приобретать крепостных, Лазаревы вскоре вложили свои капиталы в самую развитую отрасль промышленности России XVIII в. — в горнозаводскую — и превратились в крупных дворян-предпринимателей.

Приведенные выше и многочисленные другие примеры говорят о том, что уже в середине XVIII в. накопление капитала у многих армянских купцов достигло такой значительной степени, что армянский купеческий капитал проявлял явную тенденцию превращения в промышленный капитал.